



Cyngor Bro Morgannwg

Cynhwysydd
Telerau ac Amodau

Telerau ac Amodau:

1. Ni cheir dechrau unrhyw waith gosod cynwysyddion ar y briffordd gyhoeddus heb drwydded awdurdodedig na heb dalu'r ffi gywir. Rhaid cyflwyno'r cais o leiaf 5 diwrnod gwaith cyn dechrau'r gwaith. Bydd angen gwneud cais yn gynharach, ac efallai y bydd angen cyfyngiadau ychwanegol pan fo ffactorau eraill yn effeithio ar y safle arfaethedig, sensitifrwydd traffig, oriau gwaith cyfyngedig, mynediad cyfyngedig i'r safle, ardaloedd i gerddwyr, ardaloedd siopa ayyb.
2. Caiff cynwysyddion eu codi'n ddiogel ar y diwrnod y byddant yn cyrraedd gan neu dan oruchwyliaeth person cymwys a phrofiadol yn gwneud gwaith o'r fath.
Ni chaiff deunyddiau dros ben eu gadael ar y safle oni bai eu bod o fewn ardal â ffensys, hefyd rhaid symud yr holl ddeunyddiau o'r safle ar y diwrnod datgymalu.
3. **Rhaid** cadw'r cyhoedd yn ddiogel drwy'r amser
4. Goleuadau a chyfleusterau diogelu addas yn cael eu darparu a'u cynnal yn unol â'r Llawlyfr Arwyddion Traffig: Pennod 8 a Diogelwch ar Waith Stryd a Ffordd (Llyfr Coch) drwy gydol cyfnod y drwydded.
5. Rhaid i bob cynhwysydd gael stribed adlewyrchol ar bob cornel; rhaid iddyn nhw gael eu cynnal a'u cadw, a'u cadw'n lân ac yn glir yn ystod cyfnod y drwydded.
6. Nad yw'r cynhwysydd yn rhwystro unrhyw gwli neu siambr archwilio, arwyddion stryd, caeadau ar gyfleustodau, blychau, safleoedd bws ac ati.
7. Nad yw'r cynhwysydd yn rhwystro neu'n mynd i mewn i sianel neu gwter, na chaniatáu i ddeunyddiau sydd o'u mewn i fynd i mewn i ddraeniau neu gyliau ar y briffordd.
8. Nad oes unrhyw gynwysyddion fflamadwy, cyrydol, gwenwynig na ffrwydrol yn cael eu gosod o dan y drwydded hon.
9. Bod yr ardal lle mae'r cynhwysydd yn cael ei gadw yn cael ei chadw'n lân ac yn ddestlus ar bob adeg.
10. Bod y briffordd a'r lleiniau glaswellt yn cael eu gwarchod yn addas cyn i'r cynwysyddion gael eu gosod. Rhaid i'r ymgeisydd dalu am drwsio unrhyw ddifrod a hynny i safonau Cyngor Bro Morgannwg.
11. Bod pob cynhwysydd yn cael ei symud o'r Briffordd erbyn y dyddiad a nodir drosodd.
12. Bod yr holl gynwysyddion yn cael eu symud ar unwaith ar gais unrhyw Ymgymwrwr Statudol sy'n gofyn am fynediad i'r safle o fewn 48 awr oni bai ei fod yn cael ei hystyried yn argyfwng.
13. Gosod a chynnal unrhyw arwyddion rhybuddio yn ôl cyfarwyddyd Cyngor Bro Morgannwg neu ei gynrychiolydd.
14. Nad yw deunydd yn cael ei adael o fewn 8 metr i gyffordd neu'n rhwystro gylis Priffordd.
15. Nad yw cynhwysydd yn ymyrryd â llinellau gweledigaeth ar gyfer traffig neu gerddwyr gan gynnwys manau croesi (cyrbau isel).
16. Nad yw'r cynwysyddion yn cael eu gosod lle mae cyfyngiadau ar barcio mewn grym (oni bai bod Cyngor Bro Morgannwg yn cytuno fel arall).

17. Nad yw cynwysyddion yn cael eu gosod ar brif lwybrau, oni bai bod Cyngor Bro Morgannwg yn eu cymeradwyo.
18. Bod eiddo a busnesau gerllaw yn cael gwybod bod uned yn cael ei rhoi y tu allan neu gerllaw. Rhaid i ymgeiswyr gadarnhau nad yw cymdogion wedi datgan gwrthwynebiad cyn i'r uned gael ei gosod.
19. Ni ddylid storio unrhyw gynwysyddion ar ben ei gilydd
20. Mae'r holl geisiadau i'w gwneud trwy ein ffurflen gais am wasanaeth ar-lein ac mae taliad i'w wneud yn llawn unwaith y caiff ei gymeradwyo drwy ein cyswllt talu diogel a fydd yn cael ei e-bostio atoch.

https://valeofglamorgancouncilcustomerportal.achieveservice.com/en/service/highway_licenses

Cysylltwch â skipssccaffolding@valeofglamorgan.gov.uk os bydd unrhyw broblemau gyda'r cais.

21. Ni fydd y Cyngor yn prosesu unrhyw geisiadau newydd lle mae darparwr mewn dyled i'r Cyngor am unrhyw dâl sy'n ddyledus.
22. Bydd unrhyw geisiadau cymeradwy yn cael eu had-dalu dim ond os gwneir cais cyn dyddiad dechrau'r drwydded, yna gellir rhoi ad-daliad am y swm priodol. Fodd bynnag, os derbynir cais ar ôl dyddiad dechrau'r drwydded, yna ni roddir ad-daliad.

Sylwch:

Bydd Cyngor Bro Morgannwg yn trwsio unrhyw ddifrod i'r briffordd fabwysiedig sy'n digwydd o ganlyniad i osod neu symud cynhwysyddion, a'r bil yn cael ei anfon at yr ymgeisydd.

Yr ymgeisydd fydd yn talu unrhyw gostau fydd Cyngor Bro Morgannwg yn eu hwynebu o ganlyniad i fynd yn groes i delerau ac amodau'r drwydded. Ffi diffyg cydymffurfio o **£150.00** am bob achos o dorri'r amodau hyn.

Cosbau diffyg cydymffurfio

- Os byddwch yn methu â chydymffurfio â'r Telerau ac Amodau a'r holl ddeddfwriaeth berthnasol, byddwch yn agored i gamau gorfodi sy'n cynnwys Hysbysiad Cosb Benodedig **Rhan IX Deddf Priffyrdd 1980 am Rwystro Priffordd**.
- Is-adran 137A Pŵer i orchymyn i'r troseddwr symud y rhwystr **Cosb Benodedig o £150.00**
- Is-adran 171 meddiannu priffordd ac ati (Cyflawni Trosedd o dan yr is-adran hon) Cosb Benodedig o **£150.00**.
- Adran 149 Symud pethau sy'n cael eu gadael ar Briffyrdd ac sy'n peri niwsans ac ati. (Pŵer i'w symud ac adennill costau).

Indemniad Cyfreithiol

Bydd deiliad y Drwydded yn indemnio Cyngor Bro Morgannwg a/neu ei weision a'i asiantau a'u hindemnio'n barhaol rhag unrhyw atebolrwydd, rhag unrhyw hawliadau, galwadau, gweithredoedd, costau a difrodau sy'n deillio o ganlyniad i osod y cynhwysydd ar y lôn gerbydau, ar droedffordd neu ar lain laswellt. Bydd cyfnod yr indemniad yn dechrau'r un pryd ag y gosodir y cynhwysydd hyd nes y'i symudir yn barhaol. Rhaid i'r trwyddedai sicrhau bod yswiriant atebolrwydd cyhoeddus ar waith ganddo. Bydd y swm a yswirir gan y polisi yn £5,000,000 ar gyfer unrhyw un digwyddiad gydag

yswiriwr cyfrifol. Yn ôl yr angen, bydd y Trwyddedai'n rhoi'r polisi neu'r polisïau yswiriant i'r Awdurdod ynghyd â derbynebau ar gyfer talu am y polisi cyfredol.